

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-22463/20
Sarajevo, 31.12.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na izradi elektro priključka za objekat B u Centru za edukaciju, sport i rekreaciju “Safet Zajko”

I

Prihvata se preporuka Komisije za javnu nabavku radova i ugovor u predmetu – Izvođenje radova na izradi elektro priključka za objekat B u Centru za edukaciju, sport i rekreaciju “Safet Zajko”, broj obavještenja 422-7-3-322-3-183/20, objavljeno na Portalu javnih nabavki dana 18.12.2020. godine, dodjeljuje se ponuđaču „Ses“ d.o.o. Sarajevo sa ponuđenom cijenom za ugovor u iznosu od 21.314,61 KM bez PDV-a, odnosno 24.938,09 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-22463/20 od 18.12.2020. godine Općina Novi Grad Sarajevo pokrenula je konkurentski postupak javne nabavke „Izvođenje radova na izradi elektro priključka za objekat B u Centru za edukaciju, sport i rekreaciju “Safet Zajko”, broj obavještenja 422-7-3-322-3-183/20, objavljeno na Portalu javnih nabavki dana 18.12.2020. godine.

Zapisnikom o otvaranju ponuda od 25.12.2020. godine Komisija je konstatovala da je u predviđenom roku, u propisno u propisno upakovanim kovertama, pristiglo tri (3) ponude ponuđača

1. “Elektrocentar Petek“ d.o.o. Tuzla
2. “Ses” d.o.o. Sarajevo
3. konzorcij “General Constructions” d.o.o. i “General Engineering” d.o.o. Sarajevo

Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da dostavljena ponuda konzorcija "General Constructions" d.o.o. i "General Engineering" d.o.o. Sarajevo ne ispunjava formalno-pravne i kvalifikacione uslove tražene u tenderskoj dokumentaciji iz tačke 3.4.2. (b), tehnička i profesionalna sposobnost, odnosno dokaz od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera elektrotehnike (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda). Ponuđač je dostavio Listu osiguranih lica koju je izdao Središnji porezni ured Sarajevo – Ispostava PU od 09.11.2020.godine, dakle stariju od 30 dana računajući od dana utvrđenog kao krajnji rok za predaju ponuda, a kao krajnji rok za predaju ponuda je određen 15.12.2020.godine. Nadalje ista nije ispravno ovjerena, naime na poleđini Liste stavljen je pečat ali bez broja i potpisa nadležnog ovjerivača.

Zatim dostavljena ponuda konzorcija "General Constructions" d.o.o. i "General Engineering" d.o.o. Sarajevo ne ispunjava formalno-pravne i kvalifikacione uslove tražene u tenderskoj dokumentaciji iz tačke 3.3.2. (a) ekonomska i finansijska sposobnost, odnosno ponuđač nije dostavio potvrdu od Centralne banke BiH o stanju računa ponuđača ne starija od 90 dana (računajući od dana utvrđenog kao krajnji rok za predaju ponuda).

Iz naprijed navedenog razloga utvrđeno je da konzorcij "General Constructions" d.o.o. i "General Engineering" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.2. (b) tehnička i profesionalna sposobnost i 3.3.2. (a) ekonomska i finansijska sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi preostale dvije ponude te utvrdila da iste ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. "Elektrocentar Petek" d.o.o. Tuzla sa ponuđenom cijenom za ugovor u iznosu od 21.335,95 KM bez PDV-a i 2. "Ses" d.o.o. Sarajevo sa ponuđenom cijenom za ugovor u iznosu od 21.366,18 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 31.12.2020. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-7-3-322/20 od 31.12.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. "Ses" d.o.o. Sarajevo sa ponuđenom cijenom za ugovor u iznosu od 21.314,61 KM bez PDV-a,
2. "Elektrocentar Petek" d.o.o. Tuzla sa ponuđenom cijenom za ugovor u iznosu od 21.335,95 KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za ugovor ponuđača „Ses“ d.o.o. Sarajevo iznosi 21.314,61 KM bez PDV-a, odnosno 24.938,09 KM sa PDV-om, o čemu je ponuđač dostavio saglasnost broj 245-IZ/20 dana 31.12.2020. godine.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

